



春星堂詩集卷第八

毅亭先生諱振甲字昆鯨號紫巒入仕後更號毅亭爲然明先生之曾孫與可公之孫康熙戊午孝廉石門教諭依園公諱麒孫字辰遠之長子中康熙庚子鄉試雍正庚戌成進士授江南安慶府桐城知縣會凡旱禱雨於邑之龍巖山日中登山感暑成病沒於任喪歸權厝孤山後乃安葬於南山路九曜山之陽平生詩不多作不甚收拾未嘗編次成集惟中年一冊曾自題曰詹詹集蓋取莊子小言詹詹之意今彙篋中前後所存凡百四十餘首而仍其舊名云

詹詹集

遊近溪題亦諧上人精舍

泠泠近溪水密篠散清涼綠澗劖山藥捫蘿陟崇岡上有嘉樹林下有澄湖光息機白足侶新詩託幽芳遊衍憺忘歸何時重褰裳



山齋沙樸樹

季夏苦煩暑幽居得所息輪囷沙樸樹陸駁古顏色鬱若垂天雲山靈萃奇特稜稜挺雙幹鷲鳥不敢逼至今百餘年屢經蟲蠹蝕力能戰風雨中乾而外直坐卧耽高蔭偃仰佩嘉德晨興屏俗塵時時自拂拭

金石農空山草堂

紅藥何離離好鳥亦關關於時撫清操能令石不頑一攫且再醅妙理絲桐間人生百年中靜者得其閒聲希有遺韻泠泠在空山

喜雨

一國狂走禱百零下民其咨帝曰吁命汝河伯灑凍雨雨馳風驟來斯須密雲匝匝膚寸合填填震雷與之俱泉源倒垂勢傾注條條銀燭明山嶠黑螟庭躍商羊舞優渥霑足遍九區洵知天心不嗜殺澗水萬戶同歡娛涼颺披襟滌煩濁山齋高樹何敷腴物理人事有如水

此斗酒快飲爲吳飲

紫雲洞

古洞雲凝紫探奇鬼斧工天光穿半壁地幹鎮環中窈窕神仙窟陰森雷雨宮坐來肌有粟嵐氣鬱濛濛

借張蓉裳金繪友莊渭璜弟鱗先訪亦諧恬菴二上人歷紫雲洞白沙泉烏石峯諸勝次渭璜韻

平生愛山癖風月恣吟弄褰裳問遠公來憇紫雲洞洞中別有天峭嶮自橫縱盤紆翠奇趣山靈若爲貢始入已忘憂冷然冷風送坐久微聞蟬不知羣息動層冰詎須踏此地列如凍峯轉精舍開飲我玉池漣几上積新詩揮毫吐白鳳攀蘿探泉穴溽暑失飛鞚歸來竹林下落日催晚諷苦墓牛將軍欬歎念南宋道旁宋牛皇墓烏石更小駐蓮槎足余誦恬菴有蓮槎集謾謾十一松至今頻入夢同遊盡素交豁達天機空秋高景澄澈莊子約過從勿慮足力煩應爲濟勝用



蓮蓬老翁

紺碧古衣巾此翁真逸民  
梗蓬存本性揖讓立人倫  
淪跡蓮溪畔浮家鑑衣濱  
一從歸白社早已化貪嗔

秋雨懷陳二南

秋夜不成寐披衣聽雨聲  
淒清徹更漏嘈切動蟲鳴  
契闊三年事離居一片情  
淙淙簷底溜若爲說平生

天聖寺觀管夫人畫竹

古寺城北偏門前植畦菜  
我來探故蹟廡殿何荒穢  
塵灰四壁間矯矯龍蛇碎  
猶疑影飛動掩冉自成態  
柯幹有斷續精神定不昧  
摩挲短墻下徘徊增慷慨  
自從松雪來悠悠閱世代  
滄桑幾反覆此竹得常在  
蕭灑無凡姿想見湘靈輩  
神明若呵護再拜誌敬愛  
寄語後至者寶之勿遺悔

海棠

何處春深鎖二喬  
東風影裏鬪纖腰  
荆南勝事肯相讓  
好與月明調玉簫

曉睡濛濛星鬢蓬  
沉香亭畔倚春風  
何當國色長酣酒  
又使微紅暈頰中

齋前紫羅蘭

春風扇萬物小卉枝  
具抽綠叢吐紫萼  
逸態倩以幽靜喧  
自殊途羞與桃李儔  
晨起掇新英攜至青案頭  
豈曰愛顏色別有欣賞投  
結根既得所莫爲當門憂

釣臺次韻

澄江百尺拜前賢  
寂歷空山靜不喧  
吏隱寧如釣隱逸  
客星遙與帝星連  
蒼茫古廟悲啼鴉  
突兀荒臺起暮烟  
自是先生奇節在  
至今野老尙能傳

黃葉村莊



桑柘陰中晝掩關小山叢桂足躋攀野薇落盡無人掃寂歷幽人自  
往還

結廬人境絕蕭閒曲逕斜通水一灣村女纈絲聲軋軋桑鳩哢響語  
蠻蠻

綠錢滿地竹痕斑磊落濃堆潑墨山濯足亭前野航外平田一片夕

陽間

濯足野航  
俱亭名

### 遊語溪慧菴

郭外香臺雨外秋由來勝地自成幽長歌有恨空埋骨短笛無聲不

倚樓

寺有一  
簡樓

嫋嫋篔簹催急霰離離石磴繞清流百年世事都如幻擬

作山林麋鹿遊

### 哭母哀辭

人皆奉厥親我獨失所恃茫茫風木恨慈蔭終已矣秋陽苦毒熱瘵  
瘡易延徙怛然女物化前一月仲  
女暴殤母病驚旋起嘗藥僅浹旬見母竟止

此彌留頻呼兒悽惻猶在耳扼巾翦手爪併盤造冰水行道尙不忍  
矧乃出腹子擗踊呼旻天鮮民不如死

商飈下庭除撼撼鳴枯枝感時念我母咄嗟增悲思追維平生恩何  
事不垂慈義兼父與師飲食教誨之兒年日以壯母顏日以衰上堂  
問起居俛首懷憂危崦嵫西山迫奄忽壽命移有子不能養何用生  
我爲

憶昔丁鬱攸嚴親事行役驪駟何駸駸經年滯遊跡是時持門戶我  
母心神劇仰事與俯育一一費擘畫食少苦事煩沈憂聿煎積艱辛  
數十載荏苒逝駒隙罔極將何報此恨摧肝膈

我母涉羣籍忼慨識大義肅肅敦禮教閨門儼朝治習勞手自績夙  
秉敬姜志家無儋石儲好仁而樂施卓犖天資明淵涵德量遠話舊  
親戚悲滂沱墮涕淚

繫余嗟薄祜少小罹疾疢歲華行及壯辛勤勞恤軫承顏事六經勉



與古人準淹留竟無成本性實魯蠢泥首類伏螻戾天異飛隼腸斷

諛草言獻歲母咏北室萱草時  
光短之句悵悵久之寸心死灰盡

慘慘秋月白慄慄秋風吹入戶獨徬徨總帳空爾垂柘椽悼口澤夢

寐見容儀夢中似有言彷彿如生時熒熒匿下燈心驚竟何之因思

千里外仲弟情淒而撫膺告季弟嗚咽不成辭哀哉永幽翳長恨安

可追

屋上烏有序

學舍多烏家人嫌惡聲飛彈逐之余感其反哺之仁作此止逐者

屋上烏烏飛啞啞鳴相呼烏哺烏何卒瘁莫打屋上烏繫彼有母我

獨無

屋上烏飛時日出歸日晡羣止羣宿烏不孤啄田間粒奉母烏莫打

屋上烏繫彼能養我獨無

虎邱訪洞明上人

索居得休暇尋幽一躋攀虎阜蘭若勝緣塘歷崢嶸清泉漱白石落  
木圍空山叩關老僧多道古髻亦斑歲晚寡遊讌邱壑有餘閒徙倚  
生公臺頓覺結習刪長歌寶劍篇踏此明月還

蕃釐觀

六代繁華似劫灰淒涼古觀一徘徊迷樓螢苑知何處不及瓊花尙  
有臺

遲唐東山不至

幾載平山堂裏約今來僊侶好追隨獨兒吠靜月如水惆悵西崑七  
字詩

春寄仲弟雲尺

廣陵城裏一羈人爆竹喧傳又早春千里關山思仲弟百年風木痛  
慈親已看馬齒漸成齟不信鴻文定有神三十韶華真似水茫茫底  
事向誰論



烏石峯同葉立三賦

寒山黑芙蓉環繞蔭嘉木摩挲倚虬松翠蒨愛深竹朋遊亦偶然僧  
話頗不俗墨妙人間稀安得時矚目

高岡生清風欣賞耽閒寂結茆凌絕頂湖光做虛白老樹成古今青  
山孰主客會聞靜生慧此理叩君析

小春同立三游湖上

葉君澹蕩人夙尚嗜邱壑濟勝既有具胸次況不惡陽月草木衰山  
川豁清漠霜風綴寒景丹碧耀叢薄極目淨塵氛烟霞帶城郭歸途  
話舊德古誼願終託

宿重陽道院

壯齒難居惜景光學書學劍兩茫茫妙香燈影清無寐風葉滿山更  
漏長

歲晚三首用東坡先生原韻

餽歲

水火有至味醯醢不相佐甯恨等身書翻不如殖貨時俗尙獻遺敦  
盤競夸大飄飄朔雪飛高士但僵卧空懷文舉志樽開客盈座非墨  
能磨人人乃為墨磨封菲不遐棄忍令佳節過獨餽一篇詩遙與古  
賡和


別歲

事業爭歲月三十亦云遲行行又過四荏苒那可追諷詠莊生言吾  
生也有涯勲名草頭露發憤當及時時乎不再來莫謂相舉肥景光  
流電驚撫髀千古悲把酒駐華顏琅琅誦清辭試看階下松磊砢冬  
不衰

守歲

馳驟莫如馬蜿蜒莫如蛇自彼達者觀遲速終難遮瞬息隔年歲眷  
戀將如何百壺且博醉婦子相謹誦鳴金既縱鉦鼓鼙亦摻搗為歡





P7~P8



看星堂詩集卷八  
意有餘不知衆星斜仰味前哲訓瓠落非蹉跎繫尾踵佳話守歲聊  
用誇

送程立衡之西溪

一篙春水西溪路滿目青山足賞奇況有梅華爛如雪興來何處不  
題詩

齋前朱魚

清苻參差上徹鬚眼前濛濛儘堪娛閒來負手巡簷下魚尾星星漾  
火珠

苦雨嘆

驟雨流瀑密雨霰日夕如以淚洗面爨烟不起繚垣崩水周堂下蛙  
侵硯麥芽豆爛亦可憐春華一擲室罄懸偶然郭外話田叟相對太  
息咽在口擁書萬卷堪覆瓿

族姪青渠爲余畫藤花并題絕句少穆南屏和之走筆相答

漠朝川描

碧梧穿月影次韻

涼秋月出皎桐葉耐微吟交影千重翠空明一片心乍侵書幌側漸  
傍石牀陰鳳羽曾棲託寒光導遠音

琴雀堂賞桂次張做亭韻

澄空天宇碧濛濛庭砌初開青桂叢金粟千堆浥清露晚香一樹動  
秋風歌喉莫負冰輪白酒殘頻銷燭影紅我亦廣寒宮裏客願持僊  
斧後君宗

原作有應誇獨  
秀是吾宗之句

盆山

盆山小景賞偏宜彷彿天工結構奇拳石自然成島嶼尺波宛爾漾  
淪漪一邱一壑鑪錘巧非幻非真耳目移清苻儵魚儘游泳眼前濠  
濮惠莊期

壺中天地原非小盆裏林泉更復新一自經營勞意匠遂令山水見



看屋堂詩集卷八  
清真嶙珣白石形偏峻  
芳鬱繁柯葉總春  
精舍焚香讀書罷  
摩挲几案不嫌頻

紫薇花次韻

紫絲步障足繁華  
薇省名徵一樹花  
清露淺含疑點絳  
明燈斜照恰籠紗  
生香細萼重重見  
洗眼新英日日嘉  
知汝盛開應有意  
美談留待異時誇

琴萑堂二桂盛開疊前韻

河漢微雲秋氣濛  
攀枝又見桂花叢  
連蜷密萼偏宜月  
縹緲寒香不藉風  
結伴早同籬菊秀  
賞奇還擬嶺楓紅  
良辰美景真難得  
覓句豪吟有嗣宗

謂沈寶升

哈密瓜

異瓜來絕域  
風味鬪中華  
浮碧揉春水  
苞黃透薄紗  
堆盤輕苜蓿  
作飯勝胡麻  
供億非勤遠  
皇威本一家

香櫞次韻

華月流黃掌上擎  
微風脉脉暗香生  
品高不數林中蕙  
味美還同霜後橙  
看去團圞呈色相  
嗅來縹緲見和平  
歲寒若爲增幽賞  
玉質金章耀几明

西湖六絕句次韻

湧金門外小瀛洲  
水鏡山屏足選幽  
一自香山高詠後  
至今花鳥解句留

交橫荇藻出清流  
遲日鶯啼好放舟  
蘇白堤邊楊柳路  
每逢佳處一攀留

鳳舞龍飛王氣收  
百年安堵說錢鏐  
殘霞如綺湖如練  
閱盡人間禾黍秋

處士風流孰與侔  
寒梅孤嶼媚中州  
青山兩岸樹重碧  
欸乃一聲驚白鷗



誰成和議畫偏陬臣構僉名萬古羞壞汝長城真可惜墓門風雨泣  
松楸

畫船簫鼓望中收滿目煙嵐結勝儔一棹斜陽歸去晚夢魂猶向六  
橋浮

蠟梅次韻

不逐繁英鬪衆看黃梅聲價耐嚴寒遙瞻金粉千重色近識檀心百  
和攢珠顆含情生砌畔霜威鍊骨報簷端分明翠袖苧蘿女顰上眉  
尖倚玉闌

雞冠次韻

南國文章耀羽毛秋風小草擢新茗魏冠何事耽空谷絳幘還應待  
早朝寂寞無心飛翩翩繽紛有象尾翛翛金章紫綬分明與好向雞  
林奪錦標

送沈寶升之永康

休文才調淨無塵東閣聯吟意氣親紅樹白雲長嘯去一時齊恨失  
詩人

表忠觀碑次韻

表忠古碣仰坡僊萬斛龍文筆似椽五代版圖終入宋百年俎豆合  
歸錢滌泗湖水傳清翰斑駁苔痕認昔編風雨未來神物護完碑無  
恙亦奇緣

丹峯購得完碑甫旬  
日碑仆字多殘闕

盆梅次韻

綠玉盆栽拳曲枝梅華標格總離離幽馨一種蕙蘭味細蘂幾叢冰  
雪肌會占春先推國士不因人孰是吾師焚香掃地仙書讀惟恐清  
癯未稱茲

秦松次韻

芝檢東封合姓秦松公徑尺邁常倫蟠空瘦幹疑騰翮溜雨蒼皮總  
作鱗材擬嶧桐當代貴賁借岱石古來珍曾經陵谷無窮事留得嘉



名處士真

唐鄭薰號七松處士

虎刺次韻

負威嘉樹列壺圖密葉鍼寧比捋鬚恰與小山爲伴侶不從羣卉感  
凋枯翠含片片霏青玉丹渥纍纍漾火珠虎變由來有微志裁題還  
問入詩無

淳化閣帖次韻

金石遺文星麗天編摹年號宋家傳鸞軒鳳翥騰神筆玉潤珠圓落  
綵箋虞褚風流留翰墨鍾王絕學識淵源興豪誰似張長史腕底雲  
烟結古緣

步月次韻

月鉤漸拓似弓彎金闕沈沈夜色閒木落南山當戶見天寒飛鳥故  
巢還庾公有賦誰同調謝客能詩不駐顏虛籟風篁自成韻澄暉徐  
步一追攀

自鳴鐘次韻

攜來新製泰西誇應候鐘聲數罔差律呂無心元響徹璣衡有象錦  
紋斜巧思直欲窺天極妙腕真能走日車從此明堂增雅樂周髀宣  
夜本同家

夜坐次韻

節序感乘除情懷燕坐舒龍蛇數行字冰雪一牀書月湛庭階肅風  
催木葉虛歲寒知已在酬唱慰居諸  
縹緲玉蟾蜍分光伴綺疏但能研蠹簡安用賦河魚歷歷雁行徹悠  
悠蝶夢遽頻投清絕製欲繼馬相如

官齋叢竹

籊籊琅玕石徑穿倚風含露亦嬋娟籜龍消息何時到好與微參玉  
版禪

此君風骨儘珊珊獨與黃梅耐歲寒安得渭川千竹箭移教月夜鬪



龍鸞

齋前綠萼梅

仙子凌波萼綠華  
客窗清夢靜無譁  
東風透盡春消息  
翠羽明珠一徑斜

題丹峯書屋

冉冉烟嵐粉墨勻  
牙籤幾几滑無塵  
梅華似解催詩發  
冰雪寒姿奪早春

密脾黃透一枝新  
盈握驪珠珞陳  
歲月閒中真有味  
恰歸精舍讀

書人

爐香次韻

白雲一縷乍輕颺  
紙屋金爐湛寶章  
活火星星未成燼  
微風脉脉自生香  
丹砂句漏傳仙品  
素月簾簾助晚妝  
不用泠泠七絃撫  
高山流水此中藏

長至

葭灰初動識先天  
消長精微記昔賢  
味淡聲希廻造化  
珠連璧合轉坤乾  
凋零蒲柳凡姿脆  
蒼鬱松筠勁節全  
出處關心驚歲晚  
聞雞還着祖生鞭

時聞金素岑  
鄭璣尺館選

詠研並謝丹峯

凍來十指似椎排  
紫玉光華到小齋  
難信陰晴隨筆轉  
今年偶作祈晴却  
欣澹泊有君偕  
頻投麗句珠盈握  
頓洗酸風璧入懷  
龍尾嘉名應肇錫  
石田勤藝舊生涯

書齋八詠

一種無瑕璧連城  
未足誇晶瑩誰可並  
只合樹瓊華

玉餅

法物傳嘉會  
敦槃珠玉看摩挲  
存古意書卷伴嚴寒

玉槃

靈均水僊子  
作佩亦瑤英  
獨醒誰知得空梧  
表裏清

水晶梧

會竊月華精  
光輝玉比貞  
榻來管城子  
毛穎本同聲

水晶兔



珀是千年松獅為百獸長形模代天工耳目豁森爽琥珀獅子

香象曾留齒徵名斗亦嘉刻鏤兼眾采風雅異紛奢象斗

寶馬玉為骨應稱白鼻駒追風千里志馳驟說君家玉馬

小山蟠皺瘦磊落儘多奇拜石原非僻襄陽是可兒鷹石筆山

康熙戊戌先君假館於杭郡守蓬萊張公諱為政之署時

公第三子孝廉信字丹峯初學為詩凡有作必請改削且

索和自漠漠水田飛白鷺以下詠物諸篇凡四十七首皆

自戊戌八月至十二月和丹峯之作生平吟詠未有稠密

如此時者也男師韓謹識

### 鯉魚山桃花

欲向飢黎解倒懸黃河難上似青天鯉魚山下匆匆過却見桃華幾

樹妍按此係庚戌成進士試用江南奉檄由揚州運米錫山賑飢時之作

### 登黃樓次族兄惇裕韻

突兀黃樓映水濱我來登眺餞芳春英雄割據悲殘劫詩酒風流付

轉輪九曲河聲圍古壑一蘇文筆擅先秦樓兼祀文定眼中願領勞生計老

守彭城是解人

青山合沓繞河濱縹緲名樓北郭春往事迴瀾餘幾版何年肯構煥

重輪瓊瓊篇什誰龍虎森森烟波任楚秦白酒黃花異時約莫將佳

話讓前人

### 瓶中芍藥次韻

數枝仙艷鬪春闌七字新詩畫裏看香遠定應燔百和態穠却似結

重纈朱朱粉粉遲芳信雨雨風風怯暮寒二十四橋饒錦障芍日還

訂接清歡芍田程氏園名

### 佛可上人益山

上人天機清胸中有邱壑當其興到時雲根任揮霍次第看縣聯憑

虛更窄嶠林樹鬱參差高下得所託咫尺萬丈勢元功豈規度島嶼



春星堂詩集卷八  
發奇賞一一成秀削纖鱗乍浮沈玲瓏恣潛躍吾聞小有天仇池號  
磅礴又讀東坡詩九華一壺拓須彌本芥子齊物費研索對此瑩心  
神遊遨擬川洛青鞵與布襪便當老行脚

滄浪亭

長史清風杜德機結亭水竹坐忘歸平生我亦輕軒冕肯讓前賢戰  
勝肥

灌木森森禪戶扃交橫荇藻似漁汀幅巾小艇人何處一抹遠山還  
送青

火雲匝地甌中居步履幽探洵起予滿院蟬聲一渠水塵飛不到玩  
鯁魚

莫嫌時節去堂堂石徑桐陰趁暮涼最是亭臯閱今古好乘新月一  
開觴

披襟初試快哉風涵碧澄潭樹鬱葱瞥見水禽相對浴箇中天趣與

誰同

題族子晚翠天台遊草

峩峩台嶽雄海東重溟倒影神仙宮其高四萬八千丈結根直與華  
岱同金庭玉宇豈人世醴泉瑤草時時逢探奇搜冥跡不到每嗟嘉  
境鴻濛中吾家晚翠山水癖剡溪試着謝公屐宵興晝詠濟勝饒峭  
壁長蘿震金策瓊臺雙闕竦層霄石梁一道飛懸帛更從絕頂朝玉  
京海日芙蓉片片赤六塵五蓋結習刪惟有清風生兩腋我昔辛丑  
會旅遊十年瞬息雲烟浮巖巒在眼猿雀待可惜遂爲世網鉤諷君  
詩句三太息便欲芒鞋老山澤飽煨黃獨構茅蓬呼吸天和蔭松柏

題楓橋高氏約山閣次韻

翠竹紅蕖漾一川楓橋小築最清妍長廊曲折宜朝旭遠岫參差入  
暮烟漁火人傳西郭好簟冰我愛北牕眠秋風倘許開三徑賸有新  
吟續短篇



題自鑒上人借景亭次風花雪月四首韻

秋風嫋嫋逐炎埃，颯爽披襟挹吹臺。掃却緇塵三百丈，祇餘天籟遡空來。風

嬌紅姪紫動浮埃，不累虛明方寸臺。眼底小山叢桂發，人云金粟古如來。花

六出飛花絕點埃，玉樓銀海聚靈臺。元霜絳雪尋常物，知向禪心得得來。雪

金波蕩漾不生埃，靄靄香臺總玉臺。試斫妖蟊全曜出，廣寒自有夜珠來。月

六言題友人小照

家近靈巖鄧尉，清風恰稱梅花。鎮日一枝坐對，知君逸興餐霞。鍊氣重樓十二，著書函谷五千。種得玉芝琪樹，迥然自在飛僊。

賦得桂子月中落

碧琉璃淨宇沈沈，一片寒光溢素林。聞說驚芬天上種，卽看仙實月中尋。夜珠瑟瑟原無迹，秋露垂垂似有音。料得深山最深處，分明清影落蘿陰。

四言題程玉亭小像

爽塏英姿脩閒，芳躅得琴之趣。知魚之樂，玉山四圍珠浦。一曲誰侍君側，甘蕉脩竹。

脩竹君子甘蕉，美人綠天垂蔭。清暑辟塵，仙公河上王子。雒濱百城坐照，萬卷橫陳。

銀漢龍騰羽儀，鴻漸輝山媚川。三毫一點楊柳，摩旂芙蓉倚劔。試探春風河陽花艷。

舟行卽事次韻

頻年踪跡漫江湖，仙侶同舟意氣孚。南郭新篔十月白，西風正上四鯁鱸。不教鼯鼠施長伎，敢憚星霜負尺符。一葉身輕任來去，吳淞烟



景入清娛

黃浦纔過又柳湖風波利涉筮中孳生慙學製非純錦且喜堆盤有  
膾鱸歲晚只宜親斷簡時平未便薄分符眼前叔度才千頃蓬底商  
量足自娛

登青浦城晚眺次韻

新月如鉤湛碧霄寒城側步興偏饒凌風雅陣傳空響隔浦人家見  
遠條歷歷稻堆占露積泠泠仙句入詩瓢撇波一棹又何處圓璧方  
珪鎖二橋宿覆肝山下  
有方圓二橋

上海舟次詠雪次韻

急雪迴風似去年上洋奇賞豈徒然撒鹽鋪絮疑無徑積素凝華又  
一川長夜追歡須劇飲窄衾穩卧恰乘船聚星堂客相看是賦得尖  
叉第幾篇

宿楓涇口占

臘盡還為客風多不礙船寒宵清話好明日又誰邊  
嘉客非今雨楓涇是古川相逢又相別黯黯不能前

金陵雜詠

雲橫高闕轟江東十里春燈萬樹紅新水綠陂迎桂楫秀峯青靄映  
郛筒板橋細路梅花雪竹巷疎簾柳葉風珍重子山詞賦手由來佳  
麗古今同

春來何處繫相思最是江南二月時乍醒堊棠明的的漸拖湄柳澹  
絲絲雨前茶寄鄉書早臘後花分曉夢遲幽意還從小窻下閉門閒  
討詠梅詩

仙掌無塵淨玉街碧油車去踏青鞵荷花郎面桃花馬杏子儂衫燕  
子病渴相如琴自好懷饑曼倩語偏諧城南更聽鶯聲滑桃葉波  
深妾渡淮

嬌歌鬢舞逐花朝南國風流舊六朝一水溟濛烟浪闊千峯紫翠夜



山遙鳳凰臺沒青青草燕子磯深脉脉潮幾卷殘書緜往事燈檠纔  
施又重挑

淮南春色竟何如風軟晴簷鳥語和新月一鉤揚子夢淡烟如畫竹  
西歌鬪茶齋裏閒調雀滌研池邊偶泛鵝千箇琅玕奇賞愜莫遲紅  
樹望中多

秦淮雀舫雨花燈載酒探春興可曾暝浪一江浮白下晴霞千堞聳  
金陵士風綽有清華品禪悅誰參最上乘舍利長干無縫塔九霄通  
體法王燈

和制府尹公賦得雁點青天字一行原韻

嫋嫋晴秋篆綠文誰從天際識鵝羣卷舒有態都騰漢波磔排空總  
入雲飛舞六書形協韻廻翔八法聚兼分千鈞筆勢人間少只向重  
霄碧落聞

題凌烟閣畫像

太原公子天人姿決機制勝謀畧奇手定六合如拉朽龍爭虎鬪出  
冠時羣雄歸命寰宇靜世克既鹵李密夷秦王破陣雅樂奏七德之  
舞千古垂經文緯武各盡力貞觀治績王者師當時房杜贊帷幄趙  
元譙襄皆金枝鄂公裒公勇無敵誰歟犯顏徵勿欺凌烟紀功洵盛  
事一十四傑傳鬚眉規摹遠軼漢魏晉摩挲畫像增淒其銘鍾勒鼎  
姓一重唐書新舊應常持

夜遊平山堂次族子攻石韻

南郭初開不繫舟紅蕖翠竹漾中流雲霞別絢千重彩幻出奇峯鬪  
素秋

灑來凍雨勢崢嶸倏見團圞海月生溽暑盡消涼乍起繞船嘈切候  
蟲聲

萑葦蕭蕭入徑深好憑輿曠助高吟五塘佳處堪留迹秉燭誰知達  
士襟



蜀岡迢遞嶂巒平惟有蒼髯解送迎二十二年如昨夢榻來堂上豈無情

碧落澄澄夜景清追歡未已斗杓橫須臾日出衆山曉認取松濤水  
鬪聲

北郭看桃花

飄泊應稱吏隱無春風到處總噓枯升沈莫計人間世消受桃花一  
萬株

日華烘染武陵春淺碧深紅點綴勻忽見黃鍾卧原野一鳴誰信果  
驚人

和尚港守風

平生山水緣千里每挂席宦遊偶然事且喜近采石犀浦太白樓往  
往探遺迹天心留客棹洪濤借風伯老農話耕桑漁罾問魴鯽古廟  
神靈旂英英血猶碧同舟二三子雅尚愛川澤海闊天宇空樂茲永

朝夕

又絕句

驚濤拍岸浪吞天一葉低昂似水仙拋却閒愁與閒悶相看情話最  
陶然

短篷高卧柳陰中冰雪清言味晦翁近思錄從此片帆留不住明朝莫

再借東風

又次廣思兄韻

高樹秋蟬鳴風颺阻去程萍踪和尚港心似玉壺清

烏江弔古

喑鳴叱咤軼羣姿太息虞兮分手時若使江東重卷錦沛豐誰詠大  
風辭

鴻門座上釜魚生從古英雄忌有情西楚看來真大度韓彭辛苦博

道烹



鎖院次同年言張書陸試虞韻

鎖院層層十二城，堂懸秋水最心清。魁芒遙叶鐘鏞奏，桂影微聞蟋蟀鳴。聚散縈懷驚舊雨，樽槃絮話遣幽情。誰憐遊宦江南客，五載重來看月生。

八荒我闔不須城，心似澄江到底清。相對卑官猶獲伏，獨欣詞客競雄鳴。卅年文債魔難脫，三宿桑根佛有情。余王子文武皆在內，今丙辰已三至矣。永夜微吟古詩句，少陵野老玉溪生。

秋颺嫋嫋石頭城，棘院風光別樣清。海澨江臯萬人敵，引商刻羽一時鳴。涼蟾金粟傳新語，雪案螢窻憶故情。檢點辛勤文律細，連朝又見白髭生。

白下山城復水城，浹旬枯坐轉神清。賞奇定在驪黃外，韻古應先金石鳴。霞旭暖催叢桂發，商飈涼動鎖闌情。良朋一別真如雨，把酒躊躇慷慨生。

上大中丞泰安趙公十首

東望榮光嶽峙中，杏壇居近毓靈同。千秋德業歸先覺，一代文章屬鉅公。尊酒豈須稱北海，瓣香端合敬南豐。久依樾蔭儀型切，欲頌鴻勳孰媿隆。

遡昔明堂射策年，仲舒王佐善言天。景星始見人爭覩，威鳳來儀世競傳。桂籍早時冰鏡澈，棠封到處雀琴連。洵知良政緣儒術，公望羣推間氣賢。

自從三善宰蒲城，籍甚聲華漢大名。拔薤懸魚明溢水，建牙持節肅滄瀛。東臨碣石雲濤壯，南顧畿疆草木榮。熊軾不離天尺五，謳歌久已遍瑤京。

薇垣瑞氣映閩江，九郡安攘績少雙。秉憲外臺環繡斧，升華行省擁麾幢。雲生列戟尊樞府，風不揚波靜海邦。次第三山安鎮撫，耕黎南部日敦龐。



皖水潛峯駐絳騶福星一路大江流勤先部屋親敦勸暇爲膠庠勉  
敬修文武萬邦推憲度東南半壁仰嘉猷崢嶸載秉中丞鉞甌卜

明廷協 睿謀

書傳伏勝易田何從古醇儒濟上多公以大賢登講席力爲斯道障  
頽波河汾高弟於今盛嶽麓遺規不啻過至竟龍舒霑麗澤江城羣  
彥利觀摩

家風酌水勵操持清畏人知進退思廣廈萬間咸有慶冰心一片奉  
無私海門潮汐仁聲布江介林巒峻節垂雅有閒情披汗簡琳瑯金  
薤富文辭

蒼翠喬松百丈身冲襟善氣益迎人曝來冬日融融暖坐向春風藹  
藹親拔地盡瞻山氣象搏霄尤羨雀精神太和上佐

垂裳治 闔澤承流被兆民

律轉南杓運斗樞正逢鈴閣叶懸弧三千桃熟華初實十丈蓮開錦

四鋪首夏清和增履候南風解阜體 乾符鹽梅白作昇平瑞休說

神仙位業圖

感深凡卉托清門厚地栽培倚植根竊幸歐陽模範在敢同李泌薦  
揚論庸姿拂濯邀金鑑良讌追陪進玉樽南極一星朝野慶大人爵  
德況俱尊

春星堂詩集卷第八



春星堂詩集卷第九

重閩先生諱德容字雲尺然明先生之曾孫與可公之孫依園公之次子初名掄甲補錢塘縣學生屢應鄉試薦而不售改今名入國子監中康熙庚子順天鄉試雍正命辰成進士一命第一授翰林院編修己酉謫安西至乾隆己未卒喪歸權厝西湖藕花居後附葬方家峪先塋平生多遠遊所作詩文大半散失家存少時學語集一編加以行篋零落草稿彙鈔一百五十餘首先生自號重閩因卽以名集云

重閩齋集

述懷

時聞祖生雞思運陶公鬻男兒生世間所重在奇績青陽忽我遭朱夏又余覲冉冉歲華馳耿耿中懷惕願言惜分陰南溟用一擊我屋八九間乃在紫陽麓首夏綠陰繁雨餘若新沐清琴時復理指



法手自錄相於多素心言笑存真樸淡然此中懷任彼蠻與觸  
禰生懷一刺漫滅不可移盧君少噉名三百常自持苟得豈足欣高  
節余所師人生若朝露富貴寧久羈曠懷千載上奇氣起頑虫  
漢季重清節子魚希世知閨門肅禮日單車辭金時令名共推許風  
格常標持末路見真性乃為權門私如何神龍首化為梟與鴟人理  
一時絕凶德萬古嗤此時遼海客揮鋤自耘耔

黃門賦閒居未知閒居樂失足勢家門身名委溝壑如何拙者懷翻  
以巧自縛卓哉張季鷹秋風任寥廓

元豹在南山七日不遑食蔚彼文章成狐兔盡藏匿君子有奇姿乘  
時奮羽翼加膏以希光養根以埃實衆人覩目前相矜惟捷得不見  
蝸與鳩終成一二蟲識

大塊厚吾生三樂有其首高堂方怡顏舅弟皆師友再拜奉春觴齊  
心願眉壽常膳欣有加訓辭深且厚緬懷祖德微文行當世守執身

如晨葩慎勿纓塵垢

昔余遊稽山邂逅多賢俊遠溯洙泗流思從洛閩進斷斷敬脩堂竦  
然心神振譬彼麻中蒿樹立性所順離索今六秋胸懷生鄙吝中夜  
起長嘆念彼跖與舜塵務不去心天分詎可信斯須判人禽媿修當

自慎

敬脩堂即學舍時同會者胡先生夢錫  
孟敏度王賓也王行九葉文孫丁淇園

和大兄詠紫羅蘭

春餘百芳闌兔園恣閒步淡姿植墻陰叢生浥朝露綠葉紛如積一  
莖幾花吐紫英含玉屑錦翹擬嘉羽託名同蕙蘭宜入靈均賦折取  
供軍持幽懷此中寓

秋夜有懷張石樵夫子暨陳二二南邱大愚谷

月明秋意闊滄海渺天末微風拂襟來心境兩蕭瑟鳴琴當我窻簡  
編盈我室撫絃不能彈展卷還鬱結緬懷我友生中心如飢渴千里  
共清光川原不可越相思此夜多憂來詎能割



寄二南

熏風扇朱夏清江淡澄鮮鬱彼紫陽麓佳氣曖阡阡我來舊講帷龍  
孫滿山巔看竹憶主人契闊今三年君方遊京華翱翔何翩躚意氣  
薄霄漢經綸饒簡編今年得尺素少宰敬相延絳帳育羣英奇書恣  
流連山積不厭高水深在源泉德業貴日新秋風看高騫

和王大履方題徐氏園林各景

草堂四面盡篔簹旭日曛隴影正長曙色乍驚山鳥夢清光先映讀  
書牀客來寄嘯應忘倦醉後留題亦自狂向晚林間更好景一鈞涼

月照幽篁

竹外朝暾

樓臺如水月華侵幾樹梧桐滿碧陰金井花飄方夏夕銀河雲淡正  
秋深清光劇愛蘇郎語塵滓全消道子心坐久夜闌涼影散微風一

奏紫瓊琴

桐陰夜月

綠野堂前綠正饒菱田處處發新苗風翻碧浪光搖拽雨過青叢氣

沈澆遠接麥畦千頃秀近連竹影萬竿高山居且莫誇菘韭極目平

疇勝賞遙

菱田新綠

方塘一曲號長池漁火星星向晚移數點青熒臨丙穴千頭赤鯉飽  
鮫師彗星夕耀長鯨泣犀照宵燃河伯悲我向畫樓憑睇望幾回高

詠釣竿詩

長池漁火

清池四匝淨無塵池面荷錢似選勻出水洪纖皆有品迎風蕩漾亦  
疑神長輿性癖寧同俗杜老囊空不嘆貧半兩三銖竟何在田田蓮

葉獨長新

碧沼荷錢

微雲淡月映瓊花瘦影橫欹滿碧紗孤嶼幽人清夢好羅浮仙子倩  
覓遐燈深別院香來暗烟繞疎簾態轉斜底事友梅須飲水小窻良

夜興無涯

梅影橫窻

翠葉叢叢萬點花南州橙比鄧州嘉濃霜莫漫凝金實清露偏宜泣  
素葩斐几影浮研石墨綺櫺香入試團茶正應青鳥頻來採底事秋



園風味除橙香入座

叢桂團團似小山我來惟爾最堪攀  
天香飄遍秋風裏清影飛來明月間  
安石碎金光灼樂崑山片玉蒞爛斑  
何時借得吳剛斧斫取瑤枝一解顏

金粟秋風

積雨出東郊

濕霧重雲不肯行輕舟直欲上天撐  
晨鐘杳杳偏宜雨小鳥啾啾似  
呪晴百壑流通春漲闊千山氣接曉嵐平  
遙看漁火荒磯上獨理絲竿聽水聲

泛舟鑑湖暮宿妙智院

風日今朝好扁舟暮未還驚鴉時匝樹  
返照欲燃山晚炊迷寒渡漁燈明水灣  
停舫投宿處莫漫叩禪關

炊集韻音尺爲切

題傳晴溪嶺南春棹圖

誰寫滄江畫離愁尺幅中目隨孤蝶遠  
心共片帆東夾岸垂楊綠深

林扶荔紅斯須猶聚首行李莫匆匆

暮歸偏門

日落山水赤歸舟意何迫坐起推短篷  
雲霞散空碧

贈董大哲文

董子曠世才文擬天人策落筆隱隱神  
鬼驚興酣欲奪曹劉魄素心每與古爲徒  
世人無能爲子役奈何生也獨不辰親  
老家貧長寂莫啜菽飲水色養真令之孝  
者誰與倫蕭然四壁盡風牖閉戶著書心  
不嗔嗟余慙愧無一能論交兩世得相親  
感君不棄我頑石示我奇文盈數尺奇文  
讀罷向天歌天下滔滔知已何昔日中峯  
直道稱大儒延及君身已九世窮變通久  
理不誣洵是斯文真種子會看海內爭傳  
今董祀

送王四賓也之漢中

會稽山水產秀傑古道獨推今彥方我來  
此邑近二載與君晨夕欣



蘭芳君來過我敬脩堂談今論古眉氣揚志潔行廉世齟齬於今踽  
踽還涼涼蔽山夫子不去口陽明先生亦山斗餘子碌碌不足數眼  
中之人盡苗莠苦被飢寒長蹙蹙有懷蹙蹙靡所適歲暮涼風吹緼  
袍告我明年將作客遠辭越嶠向秦山父母牽裾淚盈幘人生遇合  
各有時逢迎到處皆君知一樽離索慰憂瘁念君長似春波瀾重有  
一言酬知己君本爲貧去桑梓圓鑿方枘慎所因倚間莫負空瞻岵

送賓也出西郊再贈

朔風吹曠野白日含深愁我居尙苦寒王子將遠遊遠遊不足嗟但  
爲父母憂堂下一行子堂上雙白頭驅車出西郭敢辭絳水謀絮衣  
薄如葉寒霜利於矛西秦關塞地君行幾時休愧我非晨風焉能隨  
輕舟揮杯醉言別且復少淹留君看秦地月我對鑑湖流相思何日  
已水月兩悠悠

徐生履益秋日過草堂賦贈

悠悠大鈞意茫茫堪輿中吾生渺一粟百憂瘁其躬況復際時艱邈  
迨多沙蟲端居萬感集自顧殊夢夢時復覽墳史太息卷未終中夜  
起長嘆明月入簾櫳披衣獨仿徨衆星羅蒼穹憂來覺夜永夜闌憂  
正叢徐生磊落客襟期與余同生平青雲交感激陳素衷壯懷尙雙  
伏身世方倥偬人愁我欲愁高齋生悲風沈吟爲君言達人尙圓通  
我才必有用乘時類達鴻世途雖嶮巖利器待磨礪慷慨入荒志瑰  
瑋千載功願言養奇翼共爾雲霄翺

四月一日

九十春光已渺然蕭蕭急雨冷於烟兒童不解予愁思漫說今朝四  
月天

賦得柳色春藏蘇小家次唐柯雲韻

風光如錦簇明湖間李遮桃盡柳株採藥何須來洞口尋春只在此  
橋隅不爭月下親羅綺總覺天然入畫圖千載同心猶自結輕敲檀



版續髯蘇

柳罨重門花靚粧  
窻連金瑣扣鴛鴦  
飄揚明月江姝佩  
掩映春風洛女璫  
簾外新歌拈豆譜  
樽前細語捉鬪藏  
隋堤亦有葱龍樹  
笑殺嬋娟殿脚忙

西子湖頭柳色新  
參差輝映玉樓人  
舞腰不覺低昂弱  
懶態還同眠起親  
愛爾仙姿何濯濯  
恠他驄馬日頻頻  
蒼疎古栢依然在  
爲想當年旖旎春

占盡東風第一花  
不餘春色到鄰家  
近添眉黛三分碧  
遠襯裙腰一道斜  
對景拂箋題柳絮  
留賓捧匕出尊芽  
慵來怕唱春歸曲  
信手攤琵琶又拍瑟

敬脩堂二詠

古栢挺異質  
矯然若飛龍  
又如千仞峯  
壁立倚青穹  
俯視培塿質  
恍在塵埃中  
凜凜負寒霜  
謾謾生清風  
良由受命正  
不隨剝復窮  
我亦

偉丈夫得君歡暮冬

古栢

幽蘭秀空谷  
固應知者稀  
知希不足貴  
姱修分之宜  
衆芳何紛紛  
蕭艾徒靡靡  
國香悠然來  
青青見寒姿  
雖無松栢節  
寧同百卉腓  
當世無靈均  
孤芳聊自怡

幽蘭

敬脩堂步月同家季鱗先

最喜月華明  
似晝況同攜手  
步前庭太清朗  
徹三千界天闕遙  
連四五星露冷  
漸驚衣袂薄  
風高始覺雁行  
停行吟絕勝  
高樓賞更有簫聲隔院聽

西興道中

清江晚渡行旅稀  
西望遙村皆落暉  
山色了了青可數  
健僕踉蹌走如飛  
烟雲古道五亭子  
燈火人家一酒旂  
意倦息車且薄醉  
半鈎明月上行衣

何曾園先生官桂東掘地得古欵硯丁亥冬命作銘刻其底



應龍無首泥蟠升天吁嗟此石其脰肩肩匪形伊偏惟德其全我爲  
作銘寶茲萬年

和盛嘯嵯哭子詩

凜秋氣蕭瑟肅然婁心神盛生叩門至哭子詞紛綸行行和血淚字  
字含悲辛昔余見此子數齡若成人矜履自整飭頭角何嶙峋虎兒  
精神壯鳳毛光氣新孝性又殊衆孺慕獨真淳棗栗不自甘温清娛  
昏晨七年就外傳英敏無比倫讀書數行下志向追先民戚里共期  
許儁才當國賓何期青雲器中道毀埃塵芝焚蕙應嘆况乃骨肉親  
西河未云過東門豈其仁寄情三十詠哀怨填秋旻讀罷涕汎瀾沉  
吟爲君論不記臨別言再來有良因無爲久太息德門饒佳麟

贈胡樂郊

我愛胡安定高風海內誇雄文震金石健筆走龍蛇工啜菽稱純孝  
滋蘭盡國華江臯耆舊盡古道在君家

孟夏偕友人自江臯入湖過桃源嶺歷河渚諸勝

邱壑有同懷挈伴遊河渚曉遵江澗行蒼茫見遙嶼迢迢玉龍岑渺  
渺金湖浦揮手指桃源雲生嶺半許

遵塗陟高岡羣峯何崒嶭攀援凌絕頂躍然萬象出左盼澄湖明右  
瞰河流折水田千頃腴炊烟萬家密微雨隨風來蒼松翠如櫛

新篁抽綠叢野芳爛紅輝時禽滑滑鳴桑婦閑閑歸步隨清泉響日  
翫白雲霏行行憇前亭但恐足力違顧瞻舊來道高哉何崔巍

攜手入招提當茲北峯下古殿鬱陰森靈雨疑元化田父進清醪談  
笑在禾稼旣醉循歸途餘興殊未謝愛茲荷花鮮還從桂楫駕斜陽  
照遠林栖鳥知時夜賞心自茲愜浩歌樂吾暇

夏日幽居

小築茆齋烟水間柴門雖設却常關坐銷白日驚他去卧看浮雲愛  
爾閒繞屋扶疎惟古木當窻兀突有青山蓬蒿滿逕無行跡但許幽



看屋堂詩集卷九  
人一往還

桃笙偃仰傍花磚笑我無懷腹自便軟塵拂來塵不起小箋吟就月  
方弦高槐當戶分蟬噪幽草成花只蝶憐蠻觸紛紛那足問南華一  
卷已忘筌

蕭然無復俗塵侵長夏宜人耐短吟亂石出池波淺淺閑雲擁樹影  
深深科頭午夢黃梁飯繞拍熏風綠綺琴永日園林無箇事強拈詩  
句答分陰

生平一事未能工贏得幽居百累空啟牖有情應待月披襟無意却  
當風園蔬落箸差供飽時雨如珠不嘆窮堪笑隔溪村犬吠曉曉聒  
耳自爲雄

晚興

晚意如可掬幽懷正自長遠烟親野水高樹戀斜陽氣暖蛟驚蟄天  
晴稻洗黃濁醪供獨醉倚戶聽鳴榔

秋日偕友人入虎跑山寺

秋氣全銷暑招提挈伴行山深方悟性水靜自生明木葉僧前落  
魚客至驚俗塵應不到暫憇已忘情

立秋前一日

飄風蕩殘暑疎雨報新秋曠若塵氛去冷然心境幽蠨蛸網虛壁絡  
緯鳴低樛靜悟閒居樂澄觀時節流

偶作

翛翛數竿竹染就半溪綠草草三間茅酒甕雜卷軸幽人眠起時紅  
日已滿屋終朝何所營醉吟還笑讀山花如有情好鳥殊不俗冲素  
常自安那復感幽獨

送友人之閩中次履方韻

壯歲男兒展素籌辭家忼慷上扁舟迎來蒼翠山光碧望裏雲烟海  
氣秋竹榻哦詩銷客晝蓬窗看劍遣鄉愁謝公舊有登臨處好買醇



醪醉小樓

題鄒丈薦雲遺照

綠條停織雲新桐引初月先生久不談衆籟亦銷歇心同澄潭清還  
狎白鷗沒樂志愛圖書遺榮澹簪笏跌宕得此生誰復嘆咄咄如何  
謝塵寰乘風歸帝闕人琴忽俱忘顧此悽心骨

癸巳八月將之蜀瀕行餞飲夕佳樓聯句

知己行萬里何玉梁 韋江黯然傷別心乘風懷壯志汪振甲 昆鯨把琰發長吟秦棧

衝天險汪掄甲 雲尺巴川繞碧岑河橋分手處汪振甲 鱗先小立轉情深韋江

罔極三年恨昆鯨離居一片情高秋風日迴雲尺遠浦樹雲平愁判雙龍

翼鱗先遙憐旅雁行桑弧男子事江韋努力樹修名昆鯨

明月留人住雲尺清尊話別長聯詩同刻燭鱗先檢韻且停觴棣萼分千

里江韋蒹葭想一方恠他鈴柝擊昆鯨底事轉更忙雲尺

再歷蠶叢路鱗先誰云蜀道難華蓮晴聳翠江韋玉壘雪生寒望遠思三

峽昆鯨懷鄉過七盤臨岐頻握手雲尺珍重勸加餐鱗先

關山

巉聳關山道當年此戰壕羣峯分地軸高閣倚天開霸業成陳迹登  
臨喜再來醉翁深秀處瞻顧一裴回

盤山

盤山盤不盡西折幾重重馬怯疑無路車迴又一峯水田依石澗茆  
屋傍蒼松遙望村帘起毵毵柳正濃

平江舟行次穉翁姨丈山行詩韻

千里平江兩岸平銀山遙望倍崢嶸片帆忽送輕舟遠山盡江開浩  
蕩行

梅花未落正春明麥浪翻新更有情滿眼韶光看不盡莫牽錦纜放  
船行

榜人只願南颿急咫尺陰晴總惘然雨氣氤氳雲似墨風淪蕩漾水



如天

中流簫鼓曳長鳴  
夾岸飛花映艦平  
村女亦知春色好  
紅粧巧製鬪新晴

惠山品泉兼至秦園小憩

佳哉惠山岑  
暝色一何深  
停舫聊縱步  
名泉恣幽尋  
一逕越精媚  
澄潭照清心  
品水試茗芽  
深淺自酌斟  
驚雷蟹眼沸  
淪雪龍團沈  
澹中得至味  
譬彼無絃琴  
清芬盈齒頰  
餘興在芳林  
不見疎影好  
微聞暗香侵  
靜憩小亭前  
忽聽山壺音  
于焉遂幽賞  
浩歌陶素襟

望金山限韻

茲山界江海  
洪濤往復收  
片帆天未來  
因風到岩岫  
鐘聲雲外清  
石氣雨餘秀  
春意滿汀洲  
毵毵柳陰茂  
奇峯插波心  
霽色可備收  
縹緲疑晴嵐  
蒼茫辨列岫  
塔勢欲浮雲  
天際挺雄秀  
焦山相對開  
雨洗一村茂

焦山寺次韻

山腰出古寺  
極望海雲間  
落照隨帆遠  
清風拂檻閒  
農因二逕闢  
鳥借一枝還  
我亦思焦隱  
何時學閉關

初夏遊靈鷲冷泉韜光三生石諸勝

首夏猶清涼  
薄雲翳初日  
吳山爽氣侵  
嘉遊及時出  
旣獲良知偕  
復自父兄率  
澄湖攢林巒  
曉靄幻非一出郭  
泛木蘭遙晞興已逸  
方塘弱苻牽  
曲沼新藻茁  
飄颻南颿吹  
湖洄短棹疾  
褰裳遵長薄  
攝屨探脩樾  
緩從谿畔尋  
倦就亭下歇  
漸入靈異區  
滿目增秀蔚  
飛鷲現玲瓏  
月桂聳翠律  
停浹水泛濫  
喧厯瀑爭沸  
紅花潭側綴  
綠陰岩上密  
追想謝客賢  
緬惟許生達  
濯纓還共娛  
清歌詎能闕  
雲外賞紺殿  
韜韜光訪精  
室碧蘿披  
靄靡蒼筤  
覆幽鬱一徑越  
倩媚萬象轉  
開豁望極  
神仙表身造  
神仙窟石竈  
滴乳泉丹砂  
思妙術金蓮  
燦以舒中池  
潔尤列山僧  
允閑雅香飯  
爲精設葛粉  
與藤花醉吟  
詩獨絕塵尾  
拂清



風龍團滾白雪游憇三生石真性悟存滅遲遲西照斜斑斑陰覆迭  
行行畫舫還渺渺烟波闊迤邐長堤圍阡眠重柳結迴眺北峯巔邈  
然在天闕

前題

平生烟霞癖夙昔共幽期及茲曉氣清嘯侶遂遊嬉澄湖具扁舟賞  
心良在斯綠荷冒朱華弱鱗馳文漪飄飄隨浩蕩榜人問安之揮手  
指北山桂楫從此辭

遵塗越平岡攬勝憇靈鷲朱夏一以深嘉木鬱如繡天宇猶清和微  
陰藹巖岫泚泚碧玉流風淪漾晴穀愛此清且冷塵土一滌漱飛泉  
亂人語空翠滴衫袖悠然遺世情遂去欵雲構

瀏瀏石上泉蒼蒼竹間塢啾啾幽禽喧濛濛翠微午初地緬禪宗名  
山思往古高僧無俗情簡遠頗可取詩篇共流覽往繼白公武雅俗  
各兼收解人首應俯推卷美清流金蓮一花吐

香積飯伊蒲況復臨池酌山僧風味殊清醴恣酬酢列坐忘形骸清  
談雜諧謔溪聲晴亦雨水氣冷齋閣既醉聊步欄驚雷茗堪淪游蜂  
喧午景羅羅秀花藥遙望隔江山空濛點烟谷

山行不知疲蒼翠列萬變芙蓉插空青應接耳目眩雲竅竊以深幽  
花爛且絢屢造靈異區還思隱淪彥巍巍三生石兀突眼中見遺事  
緬澤公夙緣洵堪羨捫蘿一長嘯千峯虛籟徧

入山復出山合沓自朝暮餘興猶未闌更踏招提路山閣俯喬林憑  
虛敞遙顧旣愜物外遊遂凌滄洲趣微雨鳳林鐘殘烟輞川樹荷風  
送輕涼歸橈狎鷗鷺於焉成賞心逍遙樂其素

竹下偶成

仙人騎青鸞飄蕩戲九州何年遺翠尾森此南池陬千竿拂雲日萬  
象深且幽曉日啼鳴雞晚涼墮飛颺含風動天籟盛夏長如秋偶攜  
一卷書坐誦臨清流綠烟流我衣秀色盈我眸緬維張高士清尚不



看星堂詩集卷九  
可求茲事已千載我思方悠悠興遠誰與適杳然乘之遊

清曉池上

廉纖夜來雨前林有餘清披衣起縱步朝旭亦已生跳魚響空碧水  
鳥嚶其鳴綠荷搖微風圓珠散還傾娟娟青琅玕照影殊有情樂志  
愛清曠淡然遺榮名時復倚岩石高誦漢書聲

壺村行笈借得柳河東及蘇陸詩

起衰吏部更誰儔詩骨爭如柳柳州意到淡時方是古一編猶見嶺

南秋

坡老題詩真曠達放翁拈句自從容莫將唐宋低昂在方駕終慙力  
未工

題吳氏先塋圖

浙江逝東流海潮日西注迢迢千里中元氣忽交聚佳城何鬱葱迺  
是延陵墓猗歟延陵翁隱德洵醇固道且青烏傳術匪景純數宅茲

在栽培方寸實園圃

栽培果伊何濟美非一世肅肅壺林侯令績召杜繼沛澤同春膏賦  
性比薑桂庭際餘琴鳴田間有穗滯雅化良有由傳家惟豈弟緬彼  
白雲思繪圖永弗替

繪圖意逾深孝思何以任宣尼泣防墓至性無古今森森玉龍浦巍  
巍官山岑展卷一神往窳窳宛可尋南北各天隅聊以致愛欽對此  
三嘆息淚下霑我襟

霑襟念慈闈我方在燕市抱恨忽終天鮮民徒生爾家君有雙魚再  
拜問動止公懷逾古人視我真猶子錫以純孝思告以丹青旨世德  
良不誣玉樹森階屺

自京邸旋里過壺關邂逅宏謨是做兩吳先生臨行承以詩

贈行率

傾蓋論交若昔遊無端又着雪霜裘一難羨爾心如醉千里愁予涕



欲流圖史滿前堪跌宕關山盈望正離憂分襟共訂相逢處他日看  
花到帝州

遲高峴亭不至次宋西狝韻

鶯啼不斷暖風吹村村花柳縈鞭絲竭來梁苑且小住遲君共此芳  
菲時烟月東頭醉鄉境東頭書屋峴亭別業也青春晝閉誰管領歸乎歸乎莫再  
停芭蕉長過闌干影

次韻題青立軒倡酬集

西湖水十二橋長栖三徑共蓬蒿飢來驅我行萬里故人剪紙羈覓  
招梁園夙昔風雅地苑中老竹猶蕭騷吳歛越吟鬪清絕痛飲寒夜  
持雙螯爲歡未厭又西去耳邊愁聽黃河濤何意吟唱集遠寄青雲  
交老柯南小宋經各有作岑也峴亭拔戟分揚鏡句奇韻險難屬和金  
石一震驚啁嘈嗟余離索亦已久舊學日廢心煩勞風塵馳逐豈得  
已祇慕陋巷師簞瓢湖山遲我不歸去草堂無乃移文嘲準擬今秋

叢桂發蓮葉輕舟躬自操

歲除書懷

鶻聲穿短簷曙色映窻紙春光已漸融殘臘猶未已羈人當歲除太  
息坐還起憶余背鄉園星回倏三紀前年泊昆陵帆益照遠水去年  
客京華坐蠟吟素几今茲西入關相隔又萬里一身已類鴻流光况  
如駛頗聞浙中早窮黎厭糠粃桂玉殊關心妻孥竟安倚所幸親大  
賢再覩韓范軌鏡吹邊陲清勞來鳴雁止鴻鈞之所陶枯蓼亦離祉  
大府會賢豪幾盡東南美艷句排冬寒高歌壓愁壘且釋羈旅懷把  
酒一歡喜

東王雲衢

墻東擅才名推排四十年李廣雖數奇推仰無愚賢少時誦君作快  
如挾飛仙比長益相慕欲見無由緣茲幸識君面厚意蒙拳拳引我  
小友列示我囊中編孤高百尺桐金涌萬斛泉新詩更奇古蹠踣黃



初前佳哉歲除詠窠曰都從鐫屬和有張子韓孟爭新妍邀余亦更  
唱膽怯壁壘堅何能縱揮闔聊用據纏緜長吟臘欲盡起看春星懸

附贈詩

王汝驥

鳳皇在何許有時聞來儀美人不易得輒容區中期何處來汪生  
照人瓊林枝老眼爲一明文章富珠璣孰知知不盡飄然惠新詩  
礫硯具正骨鏘洋流真機不作新婦粧一吐壯士懷浩然移吾神  
如與韓蘇偕此豈筆端事具識胸間奇我性僻多恠相士寡所諧  
中心爲君摧望洋返自崖洗馬由神清叔度今顏回嗟予窮且老  
天壤餘枯荻棄物君不棄推先比袁絲因爾意飛動春風起寒灰  
青青壩上草娟娟隴頭梅勿言作客苦攜手姑徘徊

集字題漁父圖

陰陰漁舍合一棹引寒烟水鳥時先路飛花亂入船沽來白酒孰遮  
得紫鱗鮮莫問三閭事長歌且醉眠

題吳堯山蓮潭書屋圖

斫桂爭傳玉斧雄卜居宛在橘洲東一峯嶽色層霄上十里荷花明  
月中經訓菑畬韋氏業芳蓀採擷楚人風披圖增我瀟湘思何日同  
君泛短篷

樂春園賞牡丹次西狂韻

暖蒸花氣露初收爲愛輕陰竟日留淺白淡紅看不盡更隨明月作  
清遊

繁香艷色正酣時無那東風故故吹爲語周郎莫惆悵惜花人已解  
題詩

匡牀筆格靜安排貌得名花花正開未許山僧空色相揮毫時有妙  
香來

阮咸輕摘轉清喉鎮日花間散客愁喚起十年關隴夢只因一曲古  
涼州



詠餽蟹分得蟹字

郭索沙邊路縱橫月下壕如何從東縛遂乃飽醜糟椒桂非其性酸  
辛任所遭青州真到腹白雪亦凝螯議頗違居士饒應解老饕細嘗  
寧厭骨大嚼更餘膏風味南烹美芳芬北地高鮓鰕終作婢煮鱉尙  
嫌臊楚客雙頤朶吳儂食指勞多才憐宋玉五字興殊豪

鷓鴣歎

鷓鴣託微命雌鳩高下飛飲啄野田間差得以自肥一朝陷羅罽掩  
取靡所遺或令強戰鬪聊用供娛嬉繫之以錦囊食之以香糜手把  
不暫停有若郗氏雞或以克君庖晚飯雜膏脂朝爲雙栖禽暮隨湯  
火糜一梓畢數命所讐不盈錙雌雄各天賦禍福乃不齊吾聞古訓  
言罽羅各有時禽魚不中殺鬻之干市師內則膳鷓鴣養老禮則宜  
胡爲一匕箸小物遭疆鯢嗟彼樊中雄已遜曳尾龜矧此盤內雌蘊  
崇而芟夷願且放鷹犬捐棄网與機園蔬剪菘韭酌焉賦新詩樂此

澹泊味與物皆恬熙

邗上晤方貞觀卽送其遊浙西

我行指京華小住邗溝上闌風作輕寒伏雨添新漲坐對青苔滋幾  
見白日放生平少羈愁不覺意惆悵有客楚然來頓令我神王瞥眼  
數秋螢與君各流浪會晤安可期邂逅實非望悲歡一時并不暇問  
無恙契闊旣少伸離懷一以暢茗椀列縱橫鑪烟屢飛颺評書真贗  
分論畫源流當高唱篋中吟細寫元和樣歡情不須臾別緒又增愴  
君行到吾鄉山川歷清曠澄湖湛空明列岫儼揖讓一棹破烟波千  
層人屏障好汲冷泉香爲煮葦羹餉金華福地偏乘興恣幽訪去及  
荷花鮮歸聽濤聲壯奚囊富百篇蠟屐費幾緡高堂方倚闥遊子心  
愴恨無爲久滯淫須及春暉養況逢

聖朝恩一雪丹書狀努力發陳編庶以君宗亢執手情逾殷贈別言  
或讜相遲在春明此意公莫忘



閔鄉道中

星分已入秦疆索猶在豫河潼萬里來北折又東注秦山鬱崔巍中  
條氣雄固對峙各不朝烟雲互吞吐軒轅此龍昇小臣絕攀附寶鼎  
久銷沈烏號竟何處古蹟渺難尋民風喜純素茅店颺青帘疎林見  
紅樹鬱鬱禾黍成茸茸麥苗布覽此山川奇欣爾歲事裕且復停征  
車沽酒賞秋澍

僕射陂

僕射陂邊落照斜風鴉點點傍魚叉居人多在垂楊裏一葉青帘識  
酒家

華州道中

地是宏農古山看少華長人家依浦潏城郭入嵐光遠樹含霜紫秋  
禾帶雨黃西溪溪畔路清絕似江鄉

洛陽道中

昨冬洛陽雪少飛遺蝗在地應潛滋夏來禾黍已遂長惜哉但令蟲  
賊肥羣飛勢等燎原猛共噬有若干軍饑平疇青青忽如洗祇見一  
寸苗根微農夫相對眼流血雖欲撲滅將安施况復春時苦無雨二  
麥未足租稅資秋成有望更斷絕轉死溝壑今焉辭幸得賢侯布良  
法論升計賞相捕治金錢日出人力奮糶載以往蝗爲稀天公頃復  
降霖雨坐令遺種俱成泥及時再得播嘉穀晚成亦足甦窮黎我車  
過此勤問訊憂慰交集恒於斯暮投旅店酌村酒聊書長句歌清時

塞外車中口占

周遭一里見方塘樹影參差荇帶長未到玉門觀絕塞一椀先酌酒  
泉香酒泉

驚風乍定夜冥冥一片澄湖浸遠星俄頃雪山徐吐月碧琉璃映水  
晶屏赤金湖

殘星幾點伴孤征烟際遙聞叱犢聲何事邊氓勤稼穡藉田此日正



躬耕赤金道中

按赤金似當作赤斤

簇簇亂山紅似燒。湯湯流水綠於醅。此中說有金銀氣。我自無心認取來。赤金峽

莫望龍沙斷我冤。醉眠車裏任雷奔。覺來已到中途井。茆屋三間月在門。過郭壁三十里井

布湖瀾渺水如天。藹藹人村漠漠烟。欲識

聖朝無外化。康衢今在大荒邊。靖逆衛

胡桐短樹影枒槎。赤柳叢叢未吐芽。猶有水鄉風味在。土墻缺處露

魚叉。三道溝

十溝行盡路寬平。一帶寒山遶戍城。紫磧極天無鳥下。黃蘆滿地有

鷗鳴。卜隆吉

昌馬河同疏賴流。水南山北是平疇。雪消長夏渠渠滿。無雨邊人亦

有秋。小灣

盤渦萬轉深無底。靈怪潛藏一掬慳。若使好奇溫嶠見。定將犀燭照

神奸。窟窿河

### 題策蹇攜琴圖

策蹇聊尋秋。秋高次天宇。木落山氣清。水寒魚可數。烏相紅欲然。蒼篔翠逾嫵。行行且小住。愛此盤石古。呼童進瑤琴。清響一再撫。有風颯然來。空山作飛雨。

### 題杖藜尋泉圖

千山濕如潑。萬木濃成雲。盛夏猶高秋。何處得炎氛。杖藜探泉脈。不覺足力勤。好風時一至。草香送餘芬。牧笛何清澈。嫋嫋前山聞。幽居多暇情。卽事良可欣。

### 次鷺峯韻

莫歎窮荒隔玉門。瓜州清景似江村。幾灣流水橫橋渡。一抹青山對戶存。指點眼前皆物色。鑪錘胸次有乾坤。何當啜茗聯新句。留取當



年雪爪痕

東鷺峯

塞上高秋時風氣亦已冽積沙連沈雲嶺雪寒瘦日我行指荒城感  
此意蕭瑟豈無羈旅愁孤懷欲誰悉將軍翩然來五百鳴鑣疾肯念  
枯荻根邂逅情頓密譬如沍寒中忽轉春温律况復富文詞詩篇更  
清絕雄談雜輒語新知如夙暱鄙懷為君盡感激衷腸溢一朝馬首  
東移師當吉月而我亦西還參商兩相失人生聚首難此恨故無匹  
惟當矢歲寒努力戎兵詰佇君立勳名一拯我衰劣

又東鷺峯

中郎爨餘木一朝斲為琴物情感所遇鏗鏘發奇音大瓢實五石妙  
用世莫尋浮之江湖間超然鄙蓬心達人貴曠觀流俗詎可箴相視  
當一笑莫逆同斷金

次韻弼菴見示之作

安心已竟復何求觸物無端憶故坵玉塞風塵催我老西湖烟月為  
誰秋雁飛不到鄉書斷蛩冷無聲靜夜愁塞外秋夜無一蟲鳴幸有將軍歌競病  
興來相對作詩儔

羨君風度獨飄然愛說江南書畫船淞水鱸魚蓴作伴余山楓葉錦  
同妍十年禦敵戈鉞壯五載籌邊壁壘堅山水曠懷忠孝志共和秋  
思寫銀箋

金風蕭瑟塞垣秋雪嶺峩峩映戍樓刈麥了時原野靜摘瓜稀處水  
泉流近傳旌旆臨西極已卜烽烟靖海頭報國有懷難自達書生空  
擬對 王休

和王敬貽詠物

露拂疎桐映洞房湘紋隱躍見新粧絲絲不隔楊花入細細惟聞荷  
氣香乍捲祗因延皓月徐開端為送斜陽行人檻外頻回首一曲清  
歌欲繞梁 簾



經傳桑苧共知珍品是槍旗最絕塵赤印白泥香透紙新泉活火舌  
生春清真豈藉酥爲美淡泊能令酒失醇最是午餘濃睡足一甌書  
味愈精神茶

老秃猶耕好時田每逢子墨卽無眠撼搖山嶽渾閒事驅使龍蛇亦  
偶然盡道生平韓吏部獨知心事柳誠懸古今多少凌雲手不藉君  
靈那得傳筆

便光三尺短檠功一點青熒四照通貧女分輝能製錦才人刻限好  
雕蟲喜看金粟芳樽合愁對銀缸繡帳空却憶京華元夜節清歌聲

徹九枝紅

燈

昌黎詩短檠二尺便且光

幽棲竹屋淡如僧薄穀疎櫳靜似冰春雨不芟庭際草秋風常護案  
頭燈夜分月載清陰入曉起雲從遠岫生領畧此中無限趣紫陽山  
館記吾會憲

弼菴寄哈密瓜

伊州嘉祜貢彤墀移植今來小月氏蘭蕙芬芳消暑劇雪霜滋味沁  
詩脾定知浮綠難專美多恐蒲青亦讓奇珍重封題遠相寄鄉心不  
復憶離支

送徐禮在南歸壽母十六韻

靈谷多鍾異清江自毓珍風標漢京重文采六朝新邃學承前哲奇  
咳絕比倫活人稱聖手醫國卽良臣已洗東南癘旋康塞上屯杏開  
青海岸橘茂墨山津論古難諧俗情深類飲醇酒場時脫帽釣渚總  
垂綸邊月盈還缺飛鴻去復賓言歸爲將母惜別正餘春綵服承歡  
日高堂介壽辰庭階森似謝金玉燦同荀至樂誠無偶嘉祥擬日臻  
陽關有羈客白露念伊人無計留君住杼辭見我真合并如可卜此  
意共松筠奇咳音羈該史記注  
謂奇秘非常術也

送曹心古入都

清襟一自渭川分吉語還從塞上聞何幸伊人到空谷却愁嘉客又



春風堂詩集卷九  
離羣玉鞭乍濕陽關雨駿馬長嘶冀北雲廊廟早虛前席在好將籌  
策獻明君

莊浪道中

境入西涼地氣分眼前風物已希聞蕭條白草豈春日突兀雪峯如  
夏雲文蛤最宜番女服犏牛慣與主人耘停驂且盡尊前樂一曲伊  
州已半醺

題畫冊

碧鮮玉潤晴偏好霧壓烟籠雨亦佳喚起瀟湘十年夢萬竿掩冉送  
歸槎雨竹

爲謝鋤耘好自藏清泉白石共相羊楚人綺語殊多事採擷何如幽

谷芳蘭

秋氣清若空村墟靜如夜寒山一雁過木葉無聲下山水

題尤觀察畫

漠漠烟巒互吞吐離離雲樹變朝昏眼前無限詩情在底事騎驢入

劍門

過六盤山

六盤何崔巍崔巍冠羣山積雪沒崖谷朔風作奇寒我馬怯途滑我  
僕愁衣單前發已登陟左行還右旋屈曲如腸迴縈紆若帶牽踳蹜  
造絕頂一髮窺中原俯思臣罪深仰荷

主德寬恩波未獲報望闕常纏絲墳墓隔萬里妻子方顛連百感一  
時集怒焉摧心肝驅車又西去涕泗橫闌干

寄酬金元美

憶昨中秋月倍明偶攜同好眺曾城豈知雪嶺茫茫外中有吳歛子  
夜聲

羈人卧病意無聊惠我瑤華鄉味饒活火新泉試佳茗一甌香美憶  
清標



大小馮君刺史賢謂青眉太守喬梓軍儲惠政頌西邊君才不謝岑公孝好把

謀猷借箸先

二難聲望重嚴廊令姪以寧質夫並舉鴻博么鳳名隨老鳳長長養成才前輩事幸

憐天壤有王郎四兒師嘉君之婿也

讀莊子

浮雲蒼狗幾時休一卷南華可解憂我自夢周還夢蝶任人呼馬復  
呼牛未能海上培風去只合塗中曳尾游建德有鄉差可樂飄然不  
繫似虛舟

敬貽先生見和前詩疊韻奉答

量力宜從故轍休棲茆疏水可忘憂如何羈馱同轅馬乃遂睽孤似  
掣牛萬里闕庭天際遠六年鄉國夢中游幾時鼓柁隨漁父高詠  
滄浪共釣舟  
自判百念已歸休況聽高言寫我憂往事總成蕉底鹿此身幸免廟

中牛焚香訟過觀周易染翰抽思續遠遊便擬餘生聞至道注金如  
瓦學操舟

喜雨次韻

才飄數點便清幽灑遍郊原生意稠作怒風聲方去耳有情月色快  
盈眸麥苗已卜今年好疾豎寧能一日留最是羲皇高卧穩晚涼衾  
簟已如秋

新霽和友人

好雨才過復快晴邊庭霽色映高城長空萬里織雲歛極望千峯積  
雪明檻外黃塵如避舍階前碧草似更生放懷且喜琴書靜莫為鄉  
愁意未平

新豐過子嬰墓懷古有序

新豐有東西二堡其間古塚傳是秦子嬰墓既未載史傳亦不見圖  
經豈子嬰降漢漢王以之屬吏及項羽至斬之其地去此不遠或者



秦人憐而葬之與

從來信義可藏身陋矣張儀妾婦人只謂商於能誑楚豈知三戶竟  
亡秦望夷宮裏戕胡亥軼道旁邊繫子嬰千古興亡皆夢幻笑他嬴  
氏更含辛

作涼棚成

夏五炎威漸欲張刈桐堆柳取微涼乍看墻角青青影已逗窻楞細  
細香莫歎觀書增眼暗且欣哦句得眠長劇思山下吾廬好千樹森  
陰接鳳岡

午日王城五見過小飲

客裏逢佳節良朋早惠來蘭湯未試浴角黍且含杯小几棗香烈茱  
簷桐影篩隨緣足幽賞何事日腸迴

總戎祭風次韻

風到遐方慣作威驚砂日夕縱橫飛邊人疾苦勞

宸極上將精誠感太微牢醴具陳心祇肅封章虔祝意獻歛祝辭為公所自作  
定知冥漠來歆格旌旆翩翩綏轡歸

祭風後風勢遂微再次原韻

範陳卿月理非遙金石能開意孔昭呪虎早聞傳異政湟中多虎公禱於神患遂息祠

風今復立芳標烝黎已卜盈寧樂絕塞還欣疵癘消好輔

聖朝千羽化遠人來格似三苗

張克遠寄惠胡桐筆室志謝

朽株千載困塗泥百窟叢生強自支偏愛爨餘人好異偶成文理物  
何知量才幸與圖書近取節猶於筆研宜在莒不忘存炯誠題名慙  
貧際昌期

寄題樸樹廬有序

樸樹廬者余兄弟三人讀書處 外祖王瞻亭先生實授業焉時  
先君亦嘗讀書其中童年情事極不忘耳今此屋為二弟鱗先住宅



病卧塞外中夜無聊口占數詩命師濂書之即寄二弟時丙辰十月六日漏下四鼓

吾廬卜築紫陽根樸樹雙枝高入雲每到秋深風力壯似聞濤氣載南溟

一株叢桂小山幽曾記當年手植留檜栢多年皆老大青葱秀色晚窻收

外祖者年守一書先君晚歲亦公車生平賚志風簷老此日科名實慶餘

外祖於明末補博士弟子歷十八科鄉試不遇丙子年六十八猶入闈是年歿矣先君戊午登賢書凡十二上公車壬辰自京歸即見背及康熙庚子余兄弟三人南北皆獲雋甲辰余成進士授館職庚戌大兄成進士壬子癸丑姪師韓復聯捷選館豈不肖等能之蓋理數有屈伸實前人積善餘慶也吾子孫其勉承先志哉

卅年辛苦憶慈親閔閔惟希舊學承腸斷高堂恩罔極朝山一拜更無人

寒家中落無田而衣食者數十年先慈於拮据中培植不肖等讀書茹荼集藜較之古人晝夜不營百倍及見背而不肖等始獲科名言念及此不禁號泣腸斷也

九重雨露湛恩新二代邀榮鳳詔頻報荅重親惟伯氏自慚無狀淚交橫

單恩大兄適官桐城詳請以已身故命賜封祖父母封典遂及二代臣德容自慚罪戾感激涕零莫知所報

附囑師濂等

狐死從來正邱首太公往事在管坵先君遺訓瑯琊在卜吉何須更妄求

先君之沒不肖等請遺訓他無所言惟以速葬為最要且云入土為安不必卜吉今書與師濂輩其謹誌之能葬我先人者即第一孝子賢孫也

丁巳寄大兄書附詩  
惘惘龍眠令賢聲到玉墀輿情欣即正臺首望風儀古義鵲鴿重佳音烏鵲知陽關愁卧客慰極淚翻滋

春星堂詩集卷第九







